

SEPEDI LELEMETLALELETŠO LA PELE: LEPHEPHE II
SEPEDI FIRST ADDITIONAL LANGUAGE: PAPER II

Nako: diiri tše 2½

100 meputso

HLOKOMELA

1. Lephephe le le na le matlakala a 6, kgonthišiša gore a feletše.
 2. Araba dipotšišo ka moka, gomme o šomiše mareo a maleba a Sepedi.
 3. O tla lahlegelwa ke meputso ka mopeleto wo o fošagetšego.
 4. Ngwala ka bothakga.
-

KAROLO YA A PADI**KEKANA, M. A. 1989 – NNETE FELA****POTŠIŠO YA 1**

Bala setsopolwa se ka tsinkelo gore o kgone go araba dipotšišo tša go se latela.

Basindikheithi ba be ba meletša Ariel mare ba mo duma ba mo lebeletše a sepela ka go rata pele ga bona, ba mo tšhabišwa ke Bubbles fela go mo kgoma. Maphodisa le ona a be a gahlana naye mekgotheng le kae ba mo fete ba dutše ba re ba a mo nyaka. Ka mo Kwena o be a ikana a galefile gore o ile go lata Ariel a mo gagolaganye diripanaripana tša go felela fase ka diatla ge go kgonega ka lebaka la gore a tšea lekgarebe la gagwe. *Basindikheithi* e be e le bona ba swerego bothata ka go phela ba mo thibela gore a ka ya a yo dira thato yeo ya gagwe godimo ga Ariel ka pela ka mo a nyakago. Ba be ba tseba gore ge a ka atlega ka go dira thato yeo ya gagwe o be a tlo thesolla kotsi yela e tšwago ka thokong ya Bubbles.

Ba be ba sa nyatše polelo ya Bubbles le gannyane. Go bolela nnete, Bubbles e be e le tlhobaetšo ye kgolo ya bona matšatšing a. O be a ba tšhoša. E bile a ba bintšha gare. **Ba be ba mo nyaka ka mahlo a mahubedu** ba sa kgone go tseba gore ba ka mo hwetša kae. Seo se be se dira gore ba be mogaung wa gagwe, a be le maatla godimo ga bona. A ba bofile tsi, a ba rarile mo ba šitwago le ke gore ba ka dirang.

Ge go le ka mokgwa wo, ba bangwe ba *basindikheithi* ba ile ba rera go šomiša Noko go hwetša morwediagwe ...

[Letl. 187]

- 1.1 Hlaloša kamano ya Kwena le Bubbles. (1)
- 1.2 Go ya ka tsebo ya gago ya puku ye, na thato/tumo ya Kwena ye go bolelwago ka yona ke efe? O be a hlohleletšwa ke eng go dira seo? (2)
- 1.3 Hlaloša gore ke eng seo se bego se dira gore *sindikheithi* e meletše Ariel mare, o be o bontšhe lebaka leo le bego le ba palediša go phethagatša morero wa bona. (2)
- 1.4 Hlaloša gore *sindikheithi* e tsebile bjang gore Bubbles o khutile kae. (2)
- 1.5 Noko ke motswadi yo a bontšhitšego lerato baneng ba gagwe. Fahlela kgopolo ye ka mehlala go tšwa pukung. Neela dintlha TŠE PEDI fela. (2)
- 1.6 Ka dintlha TŠE TLHANO (5) bontšha magato ao a tšerwego ke Ariel go kgonthišiša gore basenyi ba humana kotlo yeo e ba swanetšego. (5)
- 1.7 "Ba be ba mo nyaka ka mahlo a mahubedu", mmolelwana wo o tšweletša maikutlo afe? (1)

[15]

POTŠIŠO YA 2

- 2.1 Bontšha o be o sekaseke ka boripana ka fao megabaru e ka hlolago tshenyo le dillo bophelong. Fahlela ka mehlala go tšwa pading ye. (10)
- 2.2 Bontšha ka fao mongwadi a tšweleditšego maitshwaro a Bubbles pading ye, ka dintlha TŠE TLHANO (5). (5)

[15]**POTŠIŠO YA 3**

Badišiša setsopolwa se se latelago gore o kgone go araba dipotšišo tša go se latela.

"O a bona, dipapadi ke selo seo ke tlogago ke sa se rate ge seapadišwa go gapeletšwa go ba nna." Ke Ariel a lebega kotsi. "O a nkwešiša naa?"

Monagano wa Bubbles o be o tloletše go ikgoboketšeng ka pela o iphahlele: "Ga-ga ke-ke tsebe se o bolelago ka sona bjale." A bolela a gagaetša nke ke motho a nyaka lešoba la go tšhaba moo a phonyokge.

"O a tseba." Ke Ariel a šupa ka monwana a gatelela.

"Aowa!"

"Bona mo, ga ke setlatla bjalo ka ge o nagana. Selo sela sa go utswiwa ga sengwalwa ke morero wo o ..."

[Letl. 98]

Tšwetša pele poledišano ye ya ka godimo ka mokgwa wo o kgodišago go fihla ge Ariel a botša Bubbles gore o a tseba gore nonwane yela ya go thelela ga Karabo ke maaka. (O se lebale go šomiša ditšhupasefala/ditaetšosefala).

Kabo ya meputso

- Sebopego sa poledišano (2)
Dintlha (8)

[10]

POTŠIŠO YA 4

Sekaseka *Nnete Fela* o lebeletše teori ya Thulaganyo le dikokwane/magato tše di latelago, o tsopola mehlala ya maleba go tswa pukung.

Teori	(2)
Kalotaba	(4)
Phekgogo/Sethakgodi	(4)
Sehloa	(4)
Tlemollahuto/Khunollahuto	(3)
Tšhomišo ya Polelo	(3)

[20]**60 meputso**

KAROLO YA B DINGWALWAŠOMIŠWA**POTŠIŠO YA 5**

Araba potšišo E TEE go tše di latelago, gomme setšweletšwa sa gago se be botelele bja mantšu a go se fete 200.

Lebedišiša diswantšho tše di latelago gore o tle o kgone go araba dipotšišo.



[<www.google.com>]



[<www.google.com>]

- 5.1 Naga ya rena e aparetšwe ke ditiragalo tša go swana le tše di tšwelelago diswantšhong tša ka godimo. Yo mongwe wa baotledi ba difatanaga tše yo a hlokofetšego ke malomeago. O kgopetšwe go ngwala tša **bophelo bja mohu**.

GOBA

- 5.2 Moloto le Mabore ba boledišana ka ditiragalo tše di tšwelelago diswantšhong tša ka godimo. Ngwala **poledišano** ya bona yeo ba tšweletšago maikutlo a bona le dikakanyo tše ba nago le tšona go šireletša badudi ba mo nageng.

[30]

POTŠIŠO YA 6

Araba potšišo E TEE go tše pedi tše di latelago. Setšweletšwa sa gago se be le mantšu a 100 go iša go 120.

Lebeledišiša diswantšho tše di latelago gore o kgone go araba dipotšišo tša go di latela.



[<www.google.com>]



[<www.google.com>]

- 6.1 Go na le tshaelelo ya meetse mo o dulago gona. Ngwalela badudi ba naga ya geno **ditaelo** o tšweletše mekgwa ye mekaone ya go boloka meetse.

GOBA

- 6.2 Ka baka la bothata bjo bo aparetšego naga ya geno bjo bo tšwelelago diswantšhong, o tšere sephetho sa go epa meetse gore o tle o a rekišetše badudi ba dinaga mabapi. Thala **papatšo** o bapatše kgwebo ya gago.

[10]

40 meputso

Palomoka: 100 meputso